



西林詩鈔卷四

武進 陳 鍊



芷園先生王嗣衍閱定 山陰孫 謙椒圃氏選

和東坡歲事詩三首

饋歲

改歲百物須子立乏人佐誰歟好事者不惜鼠餘貨但  
視情有無寧論禮小大肉攪撐藜腸粟起壓雪臥酒漉  
徵君巾錢贖青氈座得此閉蝸舍免走團驢磨山行籬  
落前江行灩澦過且作飲酒詩乞食不用和

別歲

閒居坐花下日行覺遲遲細驗陰密移一去不可追如

水向東行傾倒大海涯日夕滾二流寧有西歸時今夕  
復何夕白酒黃雞肥行年過半百撫髀能不悲赤烏爾  
何爲揮手與爾辭明年明日來整頓衰翁衰

守歲

鄰人倩塗帖放筆走龍蛇八法素未諳闕敗誰週遮此  
如年齒邁衰白將如何壓歲人競錢兒女紛謹譁幼者  
吹蘆笙長者急鼓撾屠蘇最後人中屢傷欹斜非關守  
庚申行止安蹉跎薰然耳目開新作差堪誇

送莊孝廉蓀服北上同學人次芋莊韻四首

鴈刷江南又一秋十年爲客半年留渥洼應共驕驪驟  
蜩鷲何知九萬遊地到蓬瀛方是水客非李郭更無舟

自憐命薄甘轅下矯首斯人果勝流

人間何苦愛將離分手應難會合期春興落花霑別酒  
秋聲殘夢說相思慈恩塔上今千佛尙父湖邊彼一時

爲報九迴腸斷處白雲溪水照愁眉慈恩千佛謂亮功尙父湖謂虞山師

師馬鬣未封遺集塵積非所皆後死者之責此章并報亮工

君家大阮稱幽尋菊圃菱塘榨柳林一自春風傷病酒

遂教秋雨失聯吟令叔雲襄患耳疾予亦苦病足不相過從者久銀鈎報切繞

朝策鳧令前此北行玉樹埋深叔夜琴傷叔中歲別離懷抱惡

幾番清淚濕苔岑

忽見紅雲向紫宸此間須着闔仙身五經已賞無雙士  
三策還期第一人城策受降軍益壯珠能照乘國非貧

鳧令書宗元宰  
晚得姜西溟先生  
指授乃妙絕爾

錦旋酌酒娛班綵戶小無忘緩緩巡

八月十五夜月和學人乘萬用高青丘韻

忽痛罵盧第何也

帝青天色青出藍秋山萬點潑晚嵐月姊嫫媿浴東海  
巨靈不敢出手探桂樹婆娑五百丈樛枝濃葉垂鬢髮  
鐵網珊瑚赤光射水晶宮殿金波涵望舒首塗轡方騁  
太陰初政誰敢叅騰上金盤流影駛追逐日御兼程貪  
一年麗景此一夕金銀世界全鑲嵌盧仝韓愈兩賤臣  
遭逢不幸辭喃喃流傳月蝕詩兩紙至今束閣飽以蟬  
我今快意玩月華如坐補處彌勒龕華嚴會上啐經別  
心旌猶繫摩訶菴歸來空庭橫荇藻是處栢竹疑杉楠  
大家小戶聲浩浩老翁穉子情潭潭江郎筆花爛硯北

作七篇頃如常山之蛇擊首則尾尾擊首則首首擊中則首首皆在方為好子產子鋪張多蓋也世之為者為其初以東坡為法後以才力如海陸之曲抄移步換形教輩不得也

謝家月賦舖街南應時芋栗列陣鸚賞節餅餌食菓蠶  
老饕亦復恣一飽對此明鏡知懷慚月華燦破萬古心  
心膽清徹性所耽小嫌知我各分散不得並坐叅高談  
蘆墅鮮菱石湖芡味敵丹荔凌黃柑連浮大白遣良夜  
顧影呼月朋成三月乎月乎吾語汝棄置勿道吐復含  
踞梯上天夙有願呼鸞控鶴期同驂豈知墮落塗炭底  
足繭面皺何復堪觀河見性初不減飲水冷煥徒自諳  
劇傷國士恩未報虛戴齒髮羞稱男辛酉南關為竹蛇先生所收矣而脆  
失之然先生之德食齋如茶心獨苦逢人強笑顏相甘  
青春霜雪吹儂劍終日坎壈懷長戡嗚呼月妃普天照  
每苦恩德偏私覃今夕何夕沐玉濤努力一飲生沉酣

低頭薄帷未忍睡、垂耳銀髮何珍珍。

題秋林笠屐圖

夫豈林中人、偏識山下路。半醉凌明霞、雙屐亂珠霧。遮  
莫詩思來、快如鳥脫筴。回首睇天末、烟雲莽蒼互。巖端  
散落葉、江際辨遠樹。卯醒霜風吹、獨往君始悟。

無題

新月如鈎、弔古梅、西風何處、遶輕雷。蜻蜒宿壁、擎塔蘚  
蝙蝠穿梁、落屋煤、有淚怕彈、將炮燭。無言頻閣、欲殘杯。  
夜闌更苦、撩人處、白鴈驚棲、結響哀。

九日和鳧令用有學集中韻四首

金風動地苦喧、雁霧眼模糊、倦不開、宋楮欲隨衰髯捲。

魯戈難挽壯心迴、未膺酒國封侯賞、要築文逋避債臺。  
何處叫雲聲、緊切夢回燈炮、陡生哀。

江鄉田薄久拋荒、蕪絕瓜膾禿絕、桑望遠有懷行北郭。  
躬耕無力負南陽、應憐燭武心精竭、猶咲張儀舌本強。  
事事輸人甘忍退、鏡中贏得雪加霜。

局促何會展一籌、徒聞海上有神洲、登高驟望三千里。  
癸酉秋與農先輩登高、索咲杯空二十秋、與鳧令間數  
黑龍潭以驟望幾傷足、  
聚集事已種麥老鴉啼、谷口依人蟋蟀到、牀頭可憐永  
廿年餘矣、  
夜淒淒語不管、無衣獨客愁。

子春憂色怯、升高梅閣、崢嶸讓獨勞、  
在衡約登紅梅、  
閣以足病不果、  
就  
菊有人誰送酒、賣餉無客不題糕、已傷夢、習亡蕉鹿更

感兒童駕海鰲月地寬閒資咲拓任教三徑掩蓬蒿

次韻答鳧令東示蘇集無題韻一首

短至節以前一日促一綫半百歲以後一日激一箭波  
斯觀恒河剎那有遷變自分何所求無事博窮健人生  
墮地時早定貴與賤未帶封侯骨不長用字面但願老  
弟兄日日長相見短章索微咲行樂及時勸

次韻鳧令首冬雨牕卽事八首末章贈鳧令時

將北行卽以爲餞

吹窗細雨濕苔痕落葉蕭蕭亂打門長幅烏絲來白下  
短檠燈火坐黃昏迎風戍鼓疑窮塞擇木寒鴉入遠村  
賴是兩生差破寂課餘欸欸夜深論

北來驛遞羽書催

鸞輅巡河動地雷別有恩綸傳浩

蕩爲弘雅化重招來英才振策騎生馬老醜何心撥死  
灰極目眴騰千萬里濕雲寒膩恐難開

賣藥猶嫌婦孺知鴟夷名姓泛湖時兒啼未得甘飴止  
脚氣難將薄醴治山住昔游應恨淺跡從今削已憎遲  
烟雲自有寬閒地兩膝隨身莫後期

豈以工詩果坐窮棲遲沁水舊家風衡門反鎖雖多事  
小閣抽梯信有功世路榮枯殊虎鼠人間得失亦雞蟲  
百年歲月敲巖火陣陣狂飈逐斷蓬

三歲賢關隔日店空教血淚滿膺霜也會琴碎心俱逆  
直擬書燒口亦箝兩汎泛山操桂檝九龍調水置筠籤

嬉遨與世無爭處采采昌陽欲滿筐

小鳥啾啾夢欲闌靈臺洒洒失悲歡  
綈囊空弄相如賦塵匣羞彈貢禹冠  
何處箋天趨捷徑有人伏地激哀湍  
要憑狗監吹噓去會否因緣得好官

長夜寒燈趣短歌哀絲撩亂曲繁多  
何曾個儻供驅使自古英奇命坎軻  
晨榻兩趺頻按捺晚牕雙眼待揩摩  
餘年了得義文義萬事蹉跎一任他

顏書杜律挾遨游世事量來遜百籌  
少小愛君啣草歷衰遲憐我失巢鳩  
粗諳趨勢劣侵局何似揚颿不繫舟  
自此買山須早計莫忘湖雨潤先疇

雲尖詞八章爲長卿六十壽

選四

江城表裏苦無山勝絕雲尖水一灣  
天遣幽人獨來往出門隨手掩柴關

扳魚射鴨有羣兒水榭蕭閒返照時  
獨坐支頤又搖膝應知此老要吟詩

何心京兆遠山描差免空房鎖寂寥  
贏得沿溪無數柳枝枝都是小蠻腰

波搖淺碧雙棲鳥樹帶輕黃一抹鴉  
秀似碧鷄山下水清於鹿蹟院邊花

長卿向游碧鷄鹿蹟金沙于氏園名

壬午改歲家居大兒

潤

自烏衣橋移歸與次兒

同居父子兄弟不相團聚斗室者十二年所

矣又念先妻棄我去倏忽十有六年死生聚散

悲喜交集戲和東坡立春日小集詩韻示兩兒

兼簡禮南

坡翁三不如稽生七不堪方鑿入圓柄夫豈容易譚身  
賤積腐薪回凍失紅酣瑟縮戀豆馬束縛作繭蠶兒女  
紛出走歲時恒懷慙今夕復何夕衆魚戢潭潭前唾爛  
爛雖後叢歌呼參老懷祛孤单喧雜且復貪憶昔泣牛  
衣禦寒負暄南舉案趣進杯停機與傳柑電激五千日  
頭白此臥菴檳榔堆金杵行候滄桑三

梅坪詩鏤竟焚一冊於叔魚殯宮先以三截句  
泣然而泣之

茫然分手隔千春寒月光生弔影新今日爲君雕此帖

開緘如見冷元人

夜臺寂寞漫經春麗句清詞得得新只是陳生猶未到  
未知過口與何人  
牧之刻意賦傷春秋露如珠淚點新月白風清怨遙夜  
可能來作夢中人

二月三日簡徐雲襄

鏡光瀲灩雪欲盈毵毵銀髮莖莖清東隣剪韭早相待  
梅花樹下春禽聲曲池波綠短章新北邨東青愁殺人  
團團小鳳煮甜雪馥馥玉藥放上春病足畏路如畏虎  
掩關久不歷城府故書魚魯澁眼挨晚牕鴈字支頤數  
今朝自嘆還自咲口腹未忍徇年少歡場飛動聊借娛



垂老飄零豈素料頃知君過致參商同調晨星劇可傷  
發興會須敲月戶題詩先許到雲堂

洗硯池東畔小樹一株朱藥白花娟妍可愛家  
人目爲棠梨吾友鳧令曰此蜀種海棠也詳羣  
芳譜予酌之以酒而系以詩

偃蹇拳石邊久畜爲散木倘有半死枝頭亦欲折軸茫  
然不知名或以棠梨目春深淑氣滋風吹與滲漉朱朱  
與白白叅錯露妍郁西南分行藏藥朱花白花葉爭旣俶先  
後粉蝶欲斷魂蜜蜂恣拆副吾友訂芳譜云是蜀種穀  
如何卓薛姿乃等泥塗辱酌酒前致辭君其聽嘉告佳  
人稱絕代翠袖倚空谷豈以世眼昏含淒兩眉蹙向有

香海棠封植出玉局壽餘五百年劫灰付回祿至今增  
慷慨吊古訴冤毒今君其繼起可以踵芳躅安知非蘇  
公遺種遣鴻鵠坡詩生子啣  
來定鴻鵠流傳稱詩資光艷讀書屋

三月三日風雨作戲用少陵麗人行韻簡鳧令

三月三日雲雷屯陰霾慘淒愁殺人摧傷海棠殞太真  
公子離憂碧色勻帖揭定武臨暮春書借荊州趣石麟  
頃向學人  
借書未到蛇足何曾畫香醪一盞難入唇燕巢猶未定  
移居未果飛花萬點長罨身北隣楊子時見親高譚文字凌  
周秦棲遲水榭並鸞嘯閒凭風檻觀游鱗三十年來話  
雜沓百千載上情紛綸愴然折柳行浣塵何方跋履將  
獻珍鳧令將  
北行新詩哀艷感鬼神長安好士誰平津才人

侯時當逡巡落英豈定溷與茵故園暫留踏晴蘋空梁  
上義謀漉巾雖非酒人情汪倫屬君一卮君莫嗔

送鳧令北行

穀雨茶熟三月過好春好友偕透迤迤櫻桃傾盤鮓潑刺  
行李上馱驟陂陀但願術者語奇驗推數者言一休美  
二年可得官同學人巍科只傷君去予索莫心肝嘔出將誰何十年  
不歸歸一年詩卷束筍書如椽尺蠖蟠泥寸陰斃長虹  
飲海雌霓篇塞北高寒稱才思江南卑濕非性便致身  
及今猶未晚飢牛牧豕誰獨賢

和芋莊五十自壽詩三首

天遣騷人謫紫辰庚寅而後有斯人葯房蘭畹成香國

鶴子梅妻締好姻風雅直追三百首飛騰斜倚八千春  
海隅逐臭紛紛是馥馥爐烟說姓荀

詩學狂瀾迴旣倒論交尤不世人然情深鼓瑟江峯曲

芋翁論海內詩人  
推虞山師爲祭酒淚濕琵琶荻岸船楊秋屏先生官江  
西時芋莊爲客極

詩文嫋嫋千言懸劍樹近著輓楊  
詩一百韻茫茫七聖擲魚笮只

今抱影耽兮默大地平舖白雪篇

滿腹濡身是所期肚皮容易不時宜凌雲賦在誰監狗

泣鬼詩成莫送鴟丹嶺振衣傷鷁退漢濱遺珮悵狐疑

十年兄事吾欣往也苦雲將暫遠而子頻年旅  
食江上

用韓致堯寄湖南從事詩韻卽事示席間諸公

好事猶能破獨醒更燒野水佐輕醒新知婉戀看如昨

昔夢模糊記不明瘦盡東陽綠小鳳怨盈南國爲流鶯  
更闌燈炮還堅坐稍喜雙葩慰客情

客中

客中四度逢寒食一片梅飛一黯然虛白庭前苔漠漠  
冬青樹下草芊芊慈親涕淚和羹飯穉子周遭掛紙錢  
應念遠人高處望舉家回首大江邊

贈李生夢仁

憶昔侍坐南州廬長檠洛誦五夜餘愛子識字用心苦  
短衣雄劔疑射虎只今轉瞬二十年子鬚鬢我華顛  
晚香空谷坐零落相見有時詢盍各答言多病復多愁  
爲圃爲農今老謀無端忽墮童子試豹韜犬韜角神智

青芝昌陽收藥籠四十萬匹皆爲空鄉里小兒咸嘖嘖  
彎弓走馬亦奚益丈夫變化塗何寬竿木隨身如轉丸  
不能伏鷄能將士國士無雙亦如此

命童子移砌間草花喜微雨適至

砌間小草花礙我下堂履徙之遠尋尺庶不逼處此童  
子爲經營終朝似耘耔葉垂根未舒畏忌卓午暑俄焉  
黑雲遮雨絲更旖旎莖潤本則滋如病得霍起微物荷  
大慈輾然爲一喜

五月十四日拙存堂舉浣花會限浣花二字二

首

公昔趨泰伯此地東侯館艤舟沾蘭陵意盡竿數滿消

釋撫事淚毋乃衣裳懶迨迨千餘年吾黨備禋禴辨香  
燎前榮琥珀光盈盃諸子摠衣承主人希鞶祖願公嗜  
飲食生世愁一浣祭畢飲公福觴急憂心緩誦公卜居  
詩流水如在睨夏日偏淡沱華堂雜涼燠我友此高會  
勝事良亦罕莫苦酒盃寬莫悵歌行短  
念公去千載風雅淪淫哇僞體日以滋紛挐如亂麻漫  
以翡翠羽欲撩鯨魚牙百川倒狂瀾誰復隻手遮豈無  
憂天人力薄志則賒所望公嘿佑轟然掉雷車吾黨皆  
善鳴屈宋不足衙麗句隣古人虎脊伏野屢飄搖將軍  
樹掩抑女子花再拜啟我公何時豁咨嗟願吹東海波  
添杯莊生家但看獨舞鶴早靜兩部蛙

莊雲襄舉浣花會招同芋莊諸子送鳧令北行  
分得圖字借用東坡游孤山詩韻

燕千山吳五湖美爾踪跡無處無隨身兩膝奮凌厲員  
錦一奚引歌呼十年不視妻與孥朋友膠漆相歡娛卽  
今聚首向濠上爛醉婪尾爭盤紆昨歸迷惑非故廬不  
予子子傷羈孤過眼柳花又黃葉寄語萍草隨青蒲牽  
袂惜別特細夫君不見神駿蹀躞八極猶朝舖杜老壯  
游誠良圖尺椳日取快有餘出門長笑何蘧蘧老友失  
職思逃逋刻鵠畫虎羞難摹

除夕同長卿學人用東坡野宿常州城外韻二  
首

曉起白雲披衲衣晨光明滅恨熹微愁來避債臺何所  
睡去尋人夢獨歸捫足得閒詩侶密病足伏枕在感懷  
衡日三四至  
作惡酒徒稀悼叔魚公  
榮下世蕭然粥飯僧行徑二尺寒檠永  
夜依

流光冉冉歲云徂日薄西山馬在塗病榻支離堆故卷  
小牕喧杳換新符兒來扶拜堂前影孫解驚呼雪上鬚  
最後一杯粗遣得可堪脚氣入春蘇

嵩臯四十次學人韻

瓦缶方雷鳴無言清廟壁構榼爭雲扶不動漢殿栢大  
材爲上棟君子重前席所以古之人瞿然惟自責徒逸  
習艱貞辭甘就冰蘖以此定進退以此覘損益晚亨遂

馬周前頓亦曲逆吾黨程夫子俊髦不足役胸欲海岳  
羅手向星宿摘年少桀等倫早對大廷策兔枊快鵬舉  
猥羣伏虎脊雄文良苗似膾膾達驛驛冬釭無輟春卯  
諷恒及夕南溟積厚風養此車輪翮豈比同學翁老醜  
分淪謫差幸托里閤叩門豁心迹鴻篇飽人饑險怪瘳  
吾癖今日復何日良會真可惜湯餅紛綸前合圍浮大  
白檀心冶冶黃竹實離離赤偷閒強仕年此樂誰與易  
世事波瀾與宦海行籍籍

春盡書懷

作客頻年賦索居蒼龍朱鳥又乘除殘花冷落商人婦  
弱絮飛揚浪子裾開卷便拚吟爛熳閉門焉用足趨趨

故鄉憶我還存問一尺鱸魚幾寸書

自吟五言四截 選三

船居思上岸岸上愛船居吟望先生柳鈎提太史書  
書就憑誰寄詩成只自吟嬀娥初起勢獨鶴晚歸心  
兀兀連芻狗心心買蔚藍問君何自苦黃蘗換青柑

嘲杏花

綽約仙姿傅粉朱托根何不傍皇都風欺雨虐誰人問  
只對乾坤一腐儒

代杏花解嘲

薄命何心向紫宸年來猶喜近幽人縱教冷落辜顏色  
免受元規一斛塵

再別長庚

釣竿漁艇亂鷗羣斷岸垂楊宿壞雲檻外水聲流六代  
雨中秋色冷三分誰家簫管偏長夜病客心情也薄醺  
自此吟魂在桃葉桂花時節倍思君

雪後荆嘿菴招飲

江城晴雪逼春容絳帳風清置席重窘客藥空神轉王  
故人情倍酒偏濃燈前揮塵光搖穗門外棲鳥夢落松  
歸去此身圖畫裏柳堤寒影聽疎鐘

江都君亡後兒女分頭寄食僮僕亦各以事去  
予每到家門徘徊不示輒不得入偶遇隣媪相  
爲問答泫然賦之

歸去還如客候門婆娑魚鱗涕瀾翻苔窠失母雛分散  
葵圃無人種不繁黃葉亂飛全壞徑烏龍遙吠半頽垣  
昭昭白日重扉掩消受隣姑一笑溫

輓白宜生先輩

南村訪友路蹒跚執手驚聞碩果殘詣若營齋聞訃花史尙聞  
殷甲子杖藜無復漢衣冠谷風習習梅飛盡野水茫茫  
麥秀寒我輩未須紛涕淚玉樓高處有交歡

生日自悼

每逢生日歎虛生老大支離倍愴情菽水艱辛慚阿母  
鶉衣補綻憶亡荆悲來真覺魂銷盡身在渾疑淚結成  
最憫諸雛粗解事強排歡笑暗吞聲

自和門字韻一首

人咲長貧尙席門南榮私愛日車翻遺琴敗壁蛛絲網  
裹飯靈筵鼠跡繁淚點寒更鄂君被眉灣纖月宋家垣  
單栖不作多時冷百歲同歸一穴溫

哭徐中丞荆山先生二首

人稱房杜出河汾篋衍遺經半贈君先生出先君子門下第一沉  
潛能寔學無雙才地每空羣鷄鳴風雨瑤函在先生寄書有昔  
年風雨鷄鳴景象某未敢片刻讓等語馬鬣經營玉俸分先君子捐館卿  
貳十年違伏謁麻衣如雪愴清芬客冬先生奔太翁喪歸

手提藍玉與他山申令書堂要閉關此去九重襄輟哭  
歸來五畝就安閒只愁雪路難爲別誰料花時竟不還

丹旒素車千古恨河流瀾瀾淚潺潺

殘臘卽事用元微之遣悲懷三首原韻

嗟君失母伶仃極許嫁黔婁運更乖羣婢懽叟誇姊聘  
阿翁寒苦典孃釵最憐三日調疏糝又病深秋對落槐  
自此傷心貧到骨枉教沒齒奉清齋

去年泉下音容斷今夜燈前髣髴來愴息分明知我意  
淚眸撩亂爲君開陰陽路杳難親覲經梵功高小費財  
生世絕絃奚足恨卽冤只有一人哀

消鑠心精祗剩悲流光道盡欲除時獨眠虛室常無夢  
要詛湘神未有辭穉子助哀長迸裂一靈如在見何期  
縱開夜夜鰥鰥眼難解寒泉百結眉

除夜用襄陽韻

日月雙丸急箭催韶華冉冉欲重迴梅梢帶雪添生韻  
桐爨逢春只死灰壓歲索錢嬌女態辭年命酒內家杯  
可憐物色還依舊無復卿卿舉案來

流年告餞爆聲催上番春光取次迴燭炮爲誰拋急淚  
香消時自撥寒灰悲來是處依三匝夢去伊人共一盃  
半盞羹鹽難速客恐辜深雪放舟來

四郡全人將以文會至

京江孫月潭章聖可周禮裁程紫星江服懿枉  
存講會全人公讌卽事二首

監河貸水澁流漸驚喜高賢寶璐馳東國衣裳今日會  
南皮風雅古人期長駟說苑叅談劍小試文壇樹酒旗



鱗羽便成看破浪青雲無盡在天池  
壇坵東南十六州年來零落付東流三义岐路楊朱淚  
萬疊陰雲李白愁自古斯文須後勁只今吾道仰前修  
散樗休咲支離甚匠石揮斤在上頭

湖上遇鄭宣成

欲歸滄海愁無楫欲上青雲未有梯我已因人成浪跡  
君今何處尙栖栖山分大小連瓊笈劍合雌雄起玉霓  
弩力遄歸莫畱滯六橋花柳總低迷

西林詩鈔卷四終

西林詩鈔卷五

武進 陳 鍊 道柔

芷園先生王嗣衍閱定 山陰孫 謙椒圃氏選

今年甲子予六十皇覽之辰在子月十日也今  
七月二十六日及門諸子爲余舉觴於井里董  
氏先是有宦邢州者招予往諸子慮其行之果  
也聚而謀此以禮侑食卜夜合歡餘酒無算極  
歡而別是役也諸子意思懇惻予甚媿不克當  
登堂者李子修昭念哲夢仁唐子靖元厚培會  
真董子寒玉又程經存位中祁孫劉子子英徐  
子敷在方彙學人熙載紹文禹書蔣子岫明吳

子建中許子時偕程子道源巢子夫傳楊子農  
先乘萬汝獲鼎臣周子漢采趙子載訴方子勉  
仁陸子在豐凡三十有一人翼日得詩六首紀  
事請諸子之能詩者屬和焉

陸機文賦早傳經四十年來腐草螢落落各天今聚井  
泠泠積水任浮萍南州曲奏周郎顧北海觥飛屈子醒  
戶外有人誰好事屏風好在設丹青

芸乾蠹濕亦多時馬失焉知取自怡却累知心謀爛醉  
並團白首進新詞喜聽同調摩焦禿莫說無人鬢屣屣

自古忘憂惟此法况聞絲管沸經帷  
江城斗大十三遷剛在東南半壁邊叢桂小山香漠漠

山書大傳為之先生後經

白雲尖指辛  
齋林居

白雲深處水濺濺他時魂魄猶思沛老去齏鹽只信天  
經笥未知誰荷負莫忘風雪繼前賢

天涯淡蕩意生身落網譙翎失澤鱗易水酒痕猶在袖  
楊州詩卷未成塵清吟雜夢桐花夕鄉語巫魂柳汁春

何幸神仙留福地依然硯北鬢垂銀

荷立瀜波蓼裊風盈盈濯錦漾晴空春歸五齊薰芬裏  
年在諸生引翼中南阮梨蒸甜雪白東陵瓜剖石榴紅  
歌場絮閣塵文字五夜雄譚氣作虹

先生殺有絮閣  
一點考日於此

舌耕四世抱殘編辛苦芸人敢自賢但見白眉都秀起  
自先祖父以來信知韶腹未成眠甘鮮蓮實香秔粥清  
受經者多顯達  
辣椒花藥玉船寅餞幾時河倒瀉臨岐腸斷各風煙

同垂社左賢坐文昌閣下

新霽豁塵境。高樓清客心。樵音古琴斷。茶沸流泉吟。世味淡方遠。物情閒始深。回頭顧二子。何處噪幽禽。

攀老有靈壽之賜詩以志謝

聃老師資拜五千。又叨靈壽欲扶顛。鳩無祝哽安願朶。鉄不生簧習靜便。獨坐虛堂煩侍側。相將捷徑賴爭先。支撐總荷翁慈力。可許追隨四十年。

寄舍弟

短檠當我前。醉眼搖朱碧。展卷一重綃。讀罷意格格。問我何所思。渺哉非咫尺。柴門江上開。垂白望雲翮。日來每心痛。毋乃指微齧。兒罪誠滔天。坐此震榮魄。留滯非

初懷慚憤彌鬱積。紙牕月融融。簷隙風槭槭。風月知人情。照拂思歸客。春明或拏舟。遠亦冬縛輓。萊衣舞花前。季米負遙陌。世事奚足云。天性取悅懌。貧賤吾固行。舍之欲安適。仲弟素豁落。季弟頗警策。調劑煩阿奴。乃兄暫寬釋。堂上慶加餐。游子抱拱壁。無端墮燕塵。羈棲若單隻。唯有一片心。三千里不隔。

送叔美南還次在衡韻四首

京國情如火。羈人面有冰。驪駒方躩蹀。風雪欲憑陵。青颺旗亭酒。紅知旅店燈。絕勝孤館客。瑟縮紙牕蠅。同泛天涯梗。何堪折柳枝。况經搖落後。又逼歲除時。羈思憑誰訴。鄉愁黯自知。銷魂當此際。茲望有前期。

時乃林館于呂  
堂李執事民家

故人時到眼有幾故心人身世憐予拙情懷愛爾真君  
平應共棄公瑾自相親莫學哀歌者長塗畏損神

此去道云遠行行直至黔

同令弟青  
村之普安

青山縈一水黃鳥

映雙柑問字羅囊解

為令姪  
授經

論文竹葉拈壯遊還廣被

勝事爾能兼

古詩為蔚縣張孝子作

孝行本庸行不在為其難時至事則起難者尤不刊蔚  
縣張孝子母病憂無端藥母母不藥饋母母不餐籲天  
以身代踏地徒焦酸操刀割股肉進母母得安至行感  
神明膚毀心獨完時人誚其過此意殊髣髴薄俗暱妻  
子不惜心血殫此身親所生孰肯為親剗取舍不知類

迷謬誠足歎焯哉張孝子矯矯雲中鸞蕪詞備國風吾  
欲獻史官

端午後二日集借樗齋限韻二首

卓卓班馬匹爍爍天漢才吐辭鳴高岡獻賦登蓬萊在  
苒二十年鳳禁猶低徊寓齋鐵鶴旁吟嘯滿八垓南隣  
送新綠鬱然疑古槐花葉兩繽紛嫩黃撲莓苔先生顧  
之咲公等宜一來俸錢足取酒勿虛席上杯初暑已炎  
歊南山有輕雷涼雨颯颯至一洗庭間埃蔭借隣家樗  
莫謂木不材不見于古人翻以才見摧良馬辱泥塗美  
玉遭燼煨至寶豈絕無卞樂安在哉舉座飲正酣未覺  
此語哀

草玄今告成入室推侯芭

王令

謁選辭北闕分符去南

巴同人惜驪駒醜酒行紛拏雲間小太白

寅

谷飄飄到君

家大毛治魯詩

倚人

爛爛如江葩令弟河陽回

敬

夫將上星

漢槎人生合并難分手俄風花相見只痛飲何事空吁  
嗟一舉百十觴獻酢相交加露坐跋高燭逸興未有涯  
莫咲酒人狂後會知猶賒青綬繫腰間竹馬將扶車玉  
堂俟朝參鳳團已煎茶不宦亦有事是處生搔爬或來  
擁百城或去耘一畝

再餞鳧令次芋莊韻二首

一曲驪歌辭水隈纓纓話別趣啣杯壯君萬里長風去  
酌我三蕉舊雨來橫側兩間誰管鮑古今多事說陳雷

酒酣斫地哀歌處不用詩家玉尺裁

停鴻咲語並軒軒一把楊絲入手繁鹽鍊濟時馱瘠馬

陰符累爾去柴門酒澆閩客聞新語

臯聞自

雨捲湘簾

坐老昆船到使蓬宜着手浮沉不比醉留髡

聽沈叟琴

沈叟善癡語自云爲柳毅燒燕何曾持脯龍有何味至  
今作窮獨古刹寄雙扉立堂酒方酣焦尾音忽沸一曲  
落雁聲秋氣拂百卉又作舍舍胡胡鳴聞者索索墮生  
氣沈叟沈叟其無庸毋寧說鬼譚騎龍

不寐懷學人在道

歲月真駒隙得失一蕉鹿世事奚足云道誼彌鬱郁徐

生久不見厲階桂林馥斨斧斫未斷毋乃吳剛哭憶送  
渡江時三月猶未胸忽忽打稻天風光等轉燭前月得  
家報但云返初服水陸猶未知歸止杳難卜我昔賦南  
旋因人悞脫輻守閩兼守風兩月繫鳧鷺今子泛滄溟  
應亦多悔懊彭澤解支愛贈子大宛牧學人有支公之  
好今春陶艾圃  
大令以良  
騎寄贈胡不騁追風局促就檣舳兩夜頻夢君樓下  
足縮縮醒來跫然空懷抱徒歷錄屈指作別來思夢難  
更僕騎驢到都門訪舊慰幽獨牽帷人斯在方干並削  
牘謂其  
樞天寒送君行改歲就我宿膾鯨酌天漿飽食摩  
蹠腹又在衆人中頽然項影熟夢入蘿月涼夢覺梧風  
謾今夜獨無睡四更腸軋軋魚眼只鰈鰈雁奴長肅肅

司空本分事但恨夢不復好風何時吹新篇幾時讀科  
第特細事飛鳴亦忽倏閉戶理濂洛韞玉媚空谷重九  
佳日過猶及看晚菊側枕睨虛明靈鵲噪檐木

十三日全諸子集雲溪春暉堂賦春菜二字示  
學人

四時最好日新秋與初春昨夜迎土牛節物快一新刺  
骨寒風微拂面和風勻硯北亦枯槁小飲堪熨皴徐陵  
架珊瑚坐我重席茵言有諸君子先後藹藹臻理學穴  
閩洛文字窺周秦大宗追杜韓小疵祛楊荀最鄙是擊  
輓無寧是輪困輪困非不材材亦何足珍早知命壓頭  
嘯歌百千巡跼踏轅下駒躑躅洛下塵緇衣復何得鹿

鹿懷苦辛我欲竟此曲此曲愁吾人撥棄勿復道酒熱  
且入唇醉鄉没人爭庶以全吾真  
東皇領物華所以資茂對江南岸未綠小圃行茁菜窮  
冬二陽成外沍煥在內於茲悟消息君子貞吝悔長夜  
方漫漫扶桑已黶黷曦馭剛正中魯陽氣須倍旋轉視  
中權何有三尺喙形模咲目前毋乃婦女態高朋今滿  
座警咳珠百琲旁及因果言左史於焉在遂歌告吾子  
幸勿嗤襍穢

和叔魚鬻蘇集取藥寄學人之作

董生參朮仗東坡數卷詩文值幾多贏得吟詩娛白嫗  
却教宣藥替黃婆題畱護國經行得表住常州事往何

猶有硯池三尺水諸君蘸筆起烟波  
東坡所寓孫氏故宅有洗硯池尙存

近學人宅

題學人雲溪草堂圖

舍南舍北水鱗鱗一派滄浪浣庾塵中有幽堂植蘭桂  
萊衣長侍白頭人

周郎顧悞笑橫陳獨坐辛齋莫問津翻倒八編昏短檠  
荆川去後讀書人  
老屋西頭弱柳新海南歸老坐溪濱世間文字差長久  
倚着科名俗了人

題莊秋來扶犁叱犢圖

垂陽之下一茅舍案有經史閱冬夏此中碩人幼枕藉

荒雞短檠費遙夜忽焉斥去事耕稼犁端屈曲雙頸駕  
手驅黑犢口悲叱勢欲過橋向桑柘鄭重此業甘若蔗  
莘野南陽王與霸彼何人哉將毋亞向來縞紵情匪乍  
披圖流覽幾驚咤蛇龍天淵神變化輶視科名韓出胯  
鵬運寧以腐鼠嚇

上留田行

茫茫宇宙間同氣能幾箇何忍爭錐剗况我二人歡顏  
已過虛堂一座談笑誰和真無那剩阿儂覷阿兄頭欲  
白善懊懷斗粟不可春尺布不可縫莫是上留田前人  
與人憐今又將誰愆攘膏腴一千寸心猶未全同懷欲  
割旁人鮮嗚呼亡者存者之心一何懸

和蘇詩賀秋田得子

扶桑紅日曉克閭萬里丹山產鳳雛稟氣合依千歲樹  
傳家猶賸一瓶書松生凍笋驚相看弧壓新桃慶有餘  
荔浦人情同畏壘秋田曾  
令荔浦知君舉子意何如

和陶淵明責子詩

辛苦到白頭所願無一實幸只兩男兒費不多紙筆志  
行皆中才庸拙無與匹窮經猶未能虛聲冒儒術閩洛  
垂微言十懼昧六七下有四五孫紛然索棗栗且用慰  
目前莫論身外物

送孫翼亭之官武宣

聖代疆索擴大千况此象郡翼軫躔不鄙其民有古賢



便是吾鄉傳侍環，輕材心孔取自便。暱近憚遠分，啜妍  
興公先生官武宣，一車兩馬神洒然。飄飄青綬臨風前，  
揖我謂我上錦鞵。先世報國畫凌烟，少壯稽古今。着鞭  
蘊積霖雨傷，顛連喜看膚寸百里濺。大藤溪口苕雪川，  
瑤光樓上風月鮮。明璫翠羽知棄捐，荔枝飽食此福偏。  
行至羅池薦綺筵，桂樹團團鼓淵淵。勸農杏村寒食天，  
爲我酌酒司戶阡。撫字懷古俗吏鐫，賢者一浣時世愆。  
三年引領奏最遄，頭銜新換珂里旋。

七月望夕，鳧令招仝碩齋在衡嗣曾雷門小飲。

水榭紀事

生世如飛蓬，忽散還復聚。聚散亦何心，悲歡各自取。吾

友識奇字，少日相沫煦。饑軀落軟紅，動隔十年所言歸。  
會幾時，又將逐羈旅。華屋歸他人，水榭豁天宇。得草呼  
其羣，小飲吾與汝。出者仕閩嶠，居者守環堵。趁此秋飈  
涼，肝膈一傾吐。准擬月色佳，俄焉乃零雨。世事如陰晴，  
奚足生觸迂。憚生縛枯禪，舍肉何數數。雷門短許更局促，  
翠禽惜其羽，仰視黑雲遮。葛屨欲偃僂，在衡仲文宰百里。  
氣滿射潮弩，磅礴解襟裾。延緣聽鳴鶻，碩齋更有種豈人。  
蝶夢已栩栩，嗣曾何似子雲才。詩新調則古，薄俗誚迂僻。  
我獨愛其嫵，老醜篋其間。毋乃玉雜珉，策博均亡羊。絲  
桌同上村，且盡笑談樂。莫訴別離苦。

清明日仝鳧令飲在衡齋，鳧令用范石湖桃花

西本詩金卷五  
九  
如雨暮春酒之句作起訖歌成戲爲倚聲並示  
在衡

桃花如雨暮春酒幽人尋樂樂亦有偶行庭下爛海棠  
禮南家海 閒看門前插楊柳素心老友呼殷兄啣杯樂  
棠甚盛 聖叨盧後陶公情話吐二三楚天雲夢吞八九主人胎  
素不腥食異糧爲剪春畦韭早着長鬚市細鱗先謀諸  
婦儲一斗碎琴老子慣爲客識字子雲備三耦駭綠紛  
紅艷草花優閒自得到鷄狗聞道樓居作閩仙瓊籤玉  
笈堆盈阜少壯爲歡曾幾時俄焉回首都成叟一領狐  
裘慚瑟縮十年燕雪空奔走到頭贏得霜上頭蛩蛩駞  
驢還成偶燭跋詩成錦不如酒闌劍匣雷欲吼世眼何

會直一錢吾生空自理二酉攘得桑榆秉燭游醒彈趙  
瑟酣秦缶記取今年寒食時桃花如雨暮春酒

麥秋苦雨

兩年不得麥民間常苦辛今年麥在田一雨三日溼雨  
勢猶未已老農切吟呻腰鎌候雨隙三歎眉含顰麥爲  
蒔秧本朝夕充常珍且以給租稅田主取救貧青黃不  
接時仰此餅餌新忽焉雨浸淫霉爛不可斷嗚呼天至  
仁何以仁吾民廓然掃愁雲麥場堆黃塵磨粉飛玉屑  
飽食歡四隣

望日放生至譙樓下買物命泥塗失足一跌小  
傷左手感賦

護持物命累吾身憂色無端到子春冒雨出門違定例  
諱衰拋杖警旁人平時懶惰宜膺責他時予每不能到是日以當會特一  
至意外傾危豈有因觸目顛連苦無告小嘗痛楚敢生  
真

雨池新葉翠色可愛招月舫若營秋菘過譚月

舫賦詩見貽依韻奉答

秋月荷花池秋風楊柳樹朝曦放鮮霞晨牕挹輕露自  
咲追東陵荷鋤巡小圃更喜素心人言與晨夕數葛衣  
下蘿薜蕉箠辭杖屨何以供清歡敲門訪隣酷情話頗  
有餘粗糲此日度世事北樓雲功名南山霧俛仰五十  
年悲愉入良晤只此最慰藉朝朝復暮暮旱久雨新集

稻花陡爭吐不學正字翁琴碎吟感遇

附和詩

瀾

新雨打池荷涼颼響庭樹披衣親荷鋤菜甲摘微露  
天意釀饑饉人事困農圃言尋忘形交哀樂堪與數  
清晨走長鬚戶外罕雜屨盤餐味難兼濁醪隣可酌  
藉此文字飲歉歲差足度近市多俗塵虛名特秋霧  
榆景撰良辰聚頭得快晤堅坐都忘疲清談失朝暮  
絲竹音且輟肝鬲樂傾吐歸路月色微螢火巧相遇

和

潤

輕風縹秋塘疎雨漉老樹詩思突黃初節侯屆白露  
稜歲憂村農稻穗槁鄰圃非無良友朋佳日難與數

何意莫逆交策策踏芒屨異糧愧家儲米汁趁虛酤  
池荷晚翠浮堤柳歸鳥度吟歌散夕陽文藻隱曉霧  
樂此勝賞賒再圖重把晤采菊恣幽尋三朝迨三暮  
紛挐名利場一呷爲散吐言別劇相思思夢倘塗遇  
苦熱

次韻芋庄過水亭觀荷說餅之作

靜眼觀世久世事一縷輕低徊衡門下如繞芙蓉城撫  
此左右史薄設大小程感時苦鬱蒸西風襲檐楹老友

東郭生健步凌炎精侵晨雙鳧飛亭午一蓋橫俯狗說  
餅約爲拂荷衣塵並齷新蟾月諸公靄靄臻異糗夙敬  
老慚愧無米營况累南村賢釋却河北觥秋菘方與芋  
老有酌酒之  
約蓮邊兩隊魚柳間一聲鶯嘒嘒稍引去習習颺還生  
雖無德與汝古今肆量評獲聆高人譚如聽緱嶺笙不  
嫌腐鼠餐乘興續續行

七月七日晨起同霽堂赴研堂之招留連浹日

記事一首

頭憐秋士白眼愛故人青鑰啟當關喚應虛啄木丁避  
人三徑草處世一莖萍廿稔浮踪合雙珠照乘熒與霽  
堂交  
二十餘年矣乃共吟求友什看寫換鶯經拙句汗佳筆  
郎今日始見

蕪詞點畫屏

研堂宛齋堂書  
拙詩刊于屏

邵平瓜五色陸羽水中冷

冰齒盤承露濡顛斗酌醺留連送白日偃仰足京亭柯

爛棋頻易蕉陰夢未醒強梁卽人禍谿刻近天刑

適感近事

漫咲紫姑卜閒論織女星涼風傳暝柝疎雨濕流螢好  
客長懸榻飛觴欲建瓴何能辭作達下戶懾劉靈

贈仔重

涼風歛吸北牕至羲皇上人破美睡何處荷香斷續飄  
誰家秋色丹黃膩古來樂事歸爽鳩卽事懽心烟雨流  
疇拓長繩繫白日爲添野水羅新篔浮雲西北念吾友  
觸熱開筵置樽酒人生三十奚足云一卮勸爾聊爲厚  
詞翰升堂舊雨人鷄鳴膠膠知苦辛久交三世閱四世

暫交十春歷廿春事一先生懷一槩心花管蘂爭擲揆  
王後盧前莫短長吟風立雪誰餘欠五千言就出函關  
尙父湖邊虞仲山不少善鳴雲外走却拋徐甲老人間  
諸君以故兄事我弟畜灌夫誰能那慚愧將毋到異糧  
不爭座位當頭坐沉李浮瓜紫簞張調冰雪藕樂陽陽  
肝腸白雪向明月一舉何辭累十觴陸郎陸郎吾語爾  
及鋒努力拾青紫人生快意須少年寂寂鈍置誰堪此  
吾生昏惰見事遲失路掣肘他人嗤牀頭輾轉兩蟻鬪  
河心瑟縮羣狐疑翻手覆手憶細故背面當面逢薄怒  
自分忘機海樣寬誰知反舌枝頭悞飛燕受嚇應見羞  
牛觸孔雀非我憂剝落翠羽細碎辱往來赤霄千百秋

只今對酒且快酌世事風前筠解籜兵農禮樂仗諸君  
春風沂水何傷各閩山高處玉闌干執熱消除也辟寒  
尺素好憑青鳥至白雲貽贈碧天看跨鶴歸來訪閭里  
諸君少者耄耄矣廉石茶鐺續笑言與君看取蓬萊水

學人新婚贈長句一首

追錄辛未舊作

江城十月小載陽錦堂畫戟森開張鸞簫鳳吹聞遠近  
香車寶馬分低昂西踏沙堤爛雲漢東歸栢府生輝光  
有客有客履雜沓登堂稱賀如堵墻云是徐生結褵日  
玉卮金燭囊牽羊徐生再拜啟問我何以時俗違經常  
昏禮不樂亦不賀思親著代神徬徨先生講習恒在耳  
戴記曾問何敢忘我聞此語三歎息安得晚近追成康

親迎乘馬不坐轎俟著入夕非朝陽世遠禮失寧一節  
從宜從俗參古方聞子有客爲子羞糲脯棗栗克邊房  
况是諸君擅風雅班香宋艷翻清商新詩句句美如玉  
大旨勗子追珪璋珊瑚寶架子故物春秋博議孫相莊  
令母聖善操黃鵠三品八座猶蟹筐安不忘勤貴彌儉  
清晨視饗宵縫裳此行新婦佐閩政三日洗手調羹湯  
內則無成稱職易厥子代父艱劬萬福原本品物遂  
五倫以此爲宏綱愛子年少負遠志香奩宮體常勿違  
却扇團圓秀才態催妝支粉才人腸擺脫一切雕蟲技  
翱翔千仞學鳳凰只今嚙嚙三十六第祿壽考百歲長  
貨財筋力我何有長歌記事留錦囊所愧詩格涉凡近

子其三復關睢章

丙戌元旦

九九晴和雨繼之開頭曆日苦絲絲門多謝屐跲然至  
經有華嚴密爾窺年過六旬忻減事黨無三老省先施  
遙傳警蹕巡梅咲上番春光取次怡

玉蘭大放卽事賦古詩一章

畫堂烟煖春晝長雙雙燕尾薰風良詩人禪客並磅礴  
囁嚅白翁坐中央三爵油油送神去鶯花指點靈旗路  
飲福尋歡向何處君不見玉樹參天千花萬萼爭傾吐  
數日陰雲護薄綃艷陽嫩藥今廻顧博議文心迸玉肌  
瑤臺詩思搖瓊霧寶珠矮樹潑腥紅玉節冰心萇血注

珠宮貝闕丹霞互衆香國裏各分香羯鼓聲殘日將暮  
爲君酌酒與香山歲歲花開一相遇

予居近城東南學舍直其良鐘樓塞其兌舊名  
正素坊明季張二無先生有故宅一區今屬江  
都予僦居其前半宅旁隙故有池池蒔荷予宅  
當池之西北隅花時予獲寓目焉六月二十四  
日諺謂荷花生日子以是日招同人祀香山先  
生于前楹而飲福于池上小閣遠挹柳風俯襲  
荷氣檢香山集有池上篇因借和之以呈諸公  
其詞本四言體製簡古叠出爲嫌請諸公或三  
言或四言或五言或六言或七言或九言各成

數章總名之曰池上篇云

屋東有池池中有荷其花爛焉蜀江錦波初日芙蓉紅  
兒鬢鬢裳搖倩女嘴啄鸚哥驚迴碧眼發我浩歌  
池上有柳地方一畝三百繞之風拂左右一以吹襟一  
以醒酒綠疑交讓涼寔均受憑闌撫幽青眼我友  
池上有閣容膝而已置書一編置酒一匜未醉而讀既  
讀而喜千載上人不我欺矣人生至樂一味尋理  
池上有客舊雨素心有韻散言無絃敗琴子不我嫌我  
寔子欽公機落落澹言深深鄰酒肯賒與子偕斟  
池上有人非古非今佛來與筏妻去失鍼兒孫粗讀愧  
無贏金何以自娛蓮紅染襟高山流水付之孤吟

良日嘉集香山先生弟子數人聿求友聲何以餉客涼  
颺輕盈更屬一卮莫辜晚鶯履道滄浪陶輪手擎

秋雨用昌黎韵聯句

江臯鸛鵲呼澤國蛟鱷會陳鍊盲風挾雷轟苦雨轉雲藹

徐永宣史占休微淫農課急去泰鍊喧逐峯巔樹瀕洞湖

口瀨永宣情愜城隍幽神懾渤澥大鍊流惡滋莠稂渟泓

浸蕭艾永宣百昌竊天工擁腫孰可奈鍊晨起擬霽蒙更

定未塞兌永宣杜屋茅猶飛晉壘斲欲汰鍊始知霖雨雄

勢出乾坤外永宣高下浪訇訇官私蛙噉噉鍊晚荷凝新

寒叢桂過早褐永宣于絲爭紛綸百道競滂沛鍊天色死

灰黯地竅夷則籟永宣甌釜魚游舒陸岸舟行怵鍊振眼



鏡漢槎失脚黃河帶宜永自夏苦嘆乾入秋涉潦害又聞

書有盛崇作禍畝澮鍊田間駐清歌懽場聚無賴泥飲

爛巫覲擎拳卜著蔡宜永田祖既醉歸隴上輟耕酌鍊安

得報新晴明靚豁荒蒼宜永靈旗濕飄搖村鼓渴填磕鍊

稻畦胥珠魚水蟲耀錦貝宜永指顧登萬寶露積滿千層

鍊下戶敢玉食元儒免瓢丐宜永賈航迅破篷客路窘淖

軟鍊鳧雛方傍眠鳩婦猶未翻宜永菱盤深泥蟠藕藥張

雨葢水勢莫沼吳漁歌欲譏郇宜永硯田蕪疎疎疆稷喜

旆旆鍊閱月黃雲亘野曠烏柏靄宜永禾把賽高墉稻苾

屑飛璫鍊蹲鴟美作羹松鱸鮮可膾宜永一年時序繁樂

事深秋最鍊父老甘粬收腐儒飽粗糲宜永但祈皇天慈

速霽無過霈鍊商羊倘仍拚毋乃其毒太宜永

西林詩鈔卷五終

唐芑野小傳

莊令輿纂

君姓唐氏初名杜字靖元惲宸其庠名也年二十九始以是受知于醒齋李學使父平朔公故明諸生易代後棄舉子業弗事君甫就塾則日課以五經左史故君子古為邃及長從錢湘靈楊起文陳道柔三先生游始工制舉藝然嗜古益深嘗手評史記六七過湘靈先生謂有史記癖詩尤刻意生造以離騷為宗甲戌乙亥間予偕諸同人舉浣花會祀杜少陵以詩相酬倡君及胡子芋莊陳子道柔董子叔魚皆與焉一時號能詩者必推數子叔魚年最少最先天其後芋莊道柔以老病卒君

井成石刻此三  
字牙三季年題之

寶錄

潦倒諸生中十餘年鬱鬱不得志遂患風疾又十年乃  
亾年五十五嗚呼予自浮沉宦海與數子契濶久然意  
未嘗一日不在酒杯燈燭間也今歸而數子已皆物化  
蓋不及三十年欲追曩時嬉游酣笑之樂渺不可得獨  
其詩皆在又多可傳差爲幸耳君性豪邁喜飲酒旣醉  
歌呼或泣下有徵其故者不能得嘗賦大招夢魘諸詩  
骯髒鬱勃不可一世其託寄略可見始君年十四患病  
父命以陳壽三國志自娛至帝魏僞蜀輒拂然忿歎自  
是有意訂正後卒成季漢史若干卷友人憚雷門嘗極  
稱之謂義例本春秋文筆類史公云書始成有友議荆  
州不宜全入漢疆域內建安二年與吳分畛則長沙江

夏桂陵三郡屬吳南陽又以屬魏漢所有者南郡零陵  
武陵耳君唯唯友夜臥夢有人語之屬漢是也何改爲  
明日以告君因笑曰芑野書通神矣芑野君別字也

芑野先生居与予舍相去不遠數武日晨夕也

芑野詩鈔卷一

武進 唐惲宸 靖元

芷園先生王嗣衍閱定 山陰孫 謙椒圃氏選

咏懷

四宇淨無塵天風吹窈窕妍媸各呈露碧月同一照幾  
欲擊空明相將發蘭櫂嗟彼世俗子越吟非楚調童土  
有羶羊營營聚羣好

飛鴻印指爪鴻去雪滿林指爪旋復滅鴻飛杳難尋來  
者條而逝自古以及今刻刻不相續念此淚盈襟常爲  
達者嗤用情何必深

我心無所嗜嗜紙如伊尼圖史爲園囿典籍爲糟醕潛

心恣幽討已取隨復遺其意不在書寸田自耕治古人  
俾無訖千載長相思

世緣雖已淺幽事還相尋春風詠舞雩流韻到竹林讀  
我膝上書彈我風中琴閒心恣來往入夢羲皇深悠悠  
塵世中愛憎何庸心

李白騎鯨魚太史窺九疑古來澹宕人鼓盪山川奇不  
獲與之遊我寧如伏雌閉戶生青苔苔積花暗滋爪髮  
日夜長靜中應自知

江湖多網羅色舉翔而至人智弗如禽不縛常自繫我  
生亦何爲鹵莽無位置昔爲人所欽今爲人所棄山空  
水自流落花原無意

秦淮詞

秦淮一片月痕秋隔水盈盈人倚樓綠柳簾垂風不捲  
和烟猶掛六朝愁

中秋夜渡洋子江看月和蘇子由韻

秋月氣爽天爲高光搖銀海生白毫月姊渡河鼓蘭柅  
憑虛學水興波濤我正蒼茫渡洋子千山影入滄江水  
不知此時身何在白練平鋪吹不起碧波吞吐浴金丸  
此下疑有蒼龍蟠山凹空響細風激波面微吟明月寒  
當時有客浮古汴倏忽千秋陵谷變一天月色寂無譁  
松篁間作聞歌板水晶碧落堆金山四面石築如城堅  
去歲宸遊風日暖于今已當畫圖看最憶春光三月

好恰趁晴暉闢芳草花落棋枰鳥競銜雲歸塔頂風吹  
老無錐立地恥言貧古劍隨身不顧人天洗明眸秋月  
出照我中流浩歌客

冬日村居

茅簷霜壓草毳毼旭日低窺甕牖開榨下酒嘗秬米麩  
煨殘芋撥荳其灰羣鴉野磧驚風陣一犬籬笆吠雪堆  
飽飯出門隨步履片雲將影過橋來

夢魘

墮身幽穴中昏黑目交睫聞聲敲石火照見壁上蠍離  
離長尾延夬夬短鑷接中去人捕影至嚙肉如刀截此  
物歷年祀天地爲所竊溟濛毒霧興變化至恍惚隱彼

昆蟲跡飾敎事巾幗十指攢毛錐百喙囀環舌徧謁主  
人翁希踪三輔傑懷妬心常嗔忍辱氣不折薦席專房  
寵恩愛獨我結坐食老孤狔雄飛逐雌蜺迷魂蜀帝鶻  
癡夢莊周蝶朝啼春樹陰夕戲芳草陌入座忘其形杯  
盤已狼籍膠沾葉上粉渴飲花底血饒狸暫放假詭云  
懺前孽長齋刀俎前頂禮虺蝮窟模糊世人眼於中縱  
陰劫時時集羣醜挑達在城闕轉丸調蠅娘緣壁走蜥  
蜴鼯鼠來無時挾勢亦張蹶未能去皮毛索索叫昏夕  
一蛇維九首白齒粲若雪惡氣爍洞堂稽首上朝謁譬  
彼東陵盜賊首拱柳蹠於茲法益奇磁石鐵善攝我行  
見未曾塌然肺肝裂拔劍劍已摧析骨恣饕餮出谷竟

無期忍痛坐黑月安得塵寰開雨洗清秋碧驚魂久難  
定轉輾成夢魘

大招

上揭短書叩天闈欲伸一言雪涕痕日轂月輪十二番  
室家兀跪如攀猿白頭兄弟口舌反強弓毒矢絕墓門  
疾視白骨拋荒原張牙啗人傳厥孫腥風激射昏乾坤  
井蛙望天頭戴盆以金鑄身高自蹲剝肉刻骨忘本源  
皆緣狐鼠論世婚配以非偶通脞臀如虎而翼勢若掀  
鼠凶入牀嚙布禪狐凶入座翻汗樽萬牛鬻炙隨吐吞  
繼以不足人朝殮神咒厭劾魑魅奔何當么魔誦真言  
舌鋒瀾翻不可捫陰風毒霧霾千村欲肆誅伐先其元

我聞在昔皆飽恩今胡爲哉若銜冤幽明異路難備論  
寄言人世雲雨翻急燒海南赤玉璫當風揚灰無遺根

擬堯夫首尾吟十首

堯夫非是愛吟詩詩借堯夫遣興時醉裏那看醒後憶  
覺來真笑夢中癡覓將虎穴安身法劈破鶩籠放胆嬉  
往事閒評消白日安心自悔十年遲

安心自悔十年遲歷徧千巖倍險巖單豹關門防虎後  
螳螂執翳捕蟬時青天耿耿雙蓬鬢滄海茫茫一釣絲  
悟徹塵緣無別事許教莊叟號支離

許教莊叟號支離大小平分快活時羊角風高鵬九萬  
菜花香滿鷓鴣差池堅牢意思如磐石刻苦心腸類卷蔬

覓得此身誰是主任他臭腐與神奇  
任他臭腐與神奇消息中間祇自知粉蝶作團飛貼地  
黃鸝並坐語交枝東風柳線吟詩處南國梅花讀易時  
徙倚闌干清晝永閒情素與白雲期  
閒情素與白雲期正是雲峯欲起時渴酒腸寬春漲發  
芒鞋底闊萬山隨平鋪心地原誰怪任放天真足自怡  
不管乾坤猶有憾花花葉葉自參差  
花花葉葉自參差風月襟懷任爾爲萬物逢春皆自得  
些兒喫緊少人知青山有信曾邀汝白日無情却戀誰  
不問窮愁與富貴東風吹鬢總成絲  
東風吹鬢總成絲萬物庸庸且自私鴉背閃金明有耀

蜂鬚捎蜜潤如飴人當肆意求榮日我正千方避辱時  
辱處卽於榮處是動中不見靜中知

動中不見靜中知花上班簾日影移舊雨人情看不厭  
停雲詩館坐來遲漁敲石火燒新竹僧啜山茶點舊瓷  
一旦眼前空障翳澄心堂上徹琉璃

澄心堂上徹琉璃道念填胸卽是疵沂水靜搖春服暖  
南山高寄夏雲奇牕前片月當筵墮花底香風拂面吹  
鎮日淹留恬不競虛舟偏繫欲波時

虛舟偏繫欲波時社稷人間有鷓而火焰紅塵原不惡  
乳香黃口妙無知胸中雪艷梅花谷天下春收竹葉卮  
來往閑心聊遣興堯夫非是愛吟詩



君山浮遠堂

山堂恣高敞大江橫其前捲簾鳧鴨飛四望空雲烟興  
波盪虛幌浴日搖淨筵地厚愁無根沙闊愁無邊模糊  
遙寺塔出沒迎風船水色與雲光上下如接連卓哉坡  
公句江遠欲浮天取以額堂宇意與相周旋攀檻疑凌  
虛飄飄時欲仙坐久眼光定知在山之巔

秋至

秋至桐葉悲蕭蕭下庭畔日月如奔驥令我心曲亂鷄  
口炊屢屢牛背南山斫歌聲聞縹緲橫折秋風斷蛩吟  
碎空堦竹色浸書案西樓夕陽下雙目送汗漫

折蘆菴

澤國千里風蕭騷達摩老僧髭卷毛鼻祖糝糠鑄爾曹  
蒼茫一葦翻江濤結菴城隈跡如寄隨取隨携得名字  
白花漸漸黃葉飛於茲猶是西來意頻携杜曲薜蘿月  
飄然入山袋影隻我今望子蘆之漪獨占秋光臥泉石

卻衣篇

江南風景落花暖絡緯鳴機弄輕軟分花刺繡蛺蝶飛  
吳女裁縫秦女卷此衣非錦亦非緹傳驛千里來羗氏  
羗羊三百千駝蹄蹂毛力作熨貼齊五陵豪吏如狼牧  
中堂危坐牽虎皮民膏旣竭民力疲綺羅紈錦相紛披  
幽阿太守躬澹泊殷綺贈衣衣見卻毳罽如雲空往還  
却者贈者雙落寞昔者何人孔休文至今社里稱神君

楊花雪落徒紛紛相思日暮天東雲

記夢

辛未閏七月之朔夜夢恹恍遊湖湘荷花十里飛鴛鴦  
畫船簫鼓爭開張朱闌碧浪兩相映秋雨微逗灑夕陽  
我乘巨艇十丈長中有名士蘇與黃高歌水調東坡叟  
涪翁擘窠大如斗呼盧佐酒共酩酊晚風蕭騷怨楊柳  
三人共臥六尺牀觚頭交拓枕以肘醉魂驚呼忍腹實  
胞中畧轉乃起走拍手大笑陵谷囂平沙淺渚生翠濤  
倚花移艇過六橋洗盞更酌臨秋濠乘鸞仙人下九霄  
空行絕跡如飛猱數語未了倏然逝已過蓬閭誰能招

士尊席贈蓼庭

聞說空山好避人相逢且喜笑言溫落花惜別連三月  
芳草隨時借一尊所恨極天都鳥道更於何地覓桃源  
挑燈夜酌渾無事只有更闌月到門

江城對雪小飲同曹峩峩先生和東坡書北堂

壁韻

朔風吹雪正纖纖憑伏香醪與鬪巖座上儘看山倒玉  
樽前時刻虎形鹽江天一色排銀浪山郭千門失畫簷  
獨有佛燈燃古塔模糊猶辨白毫尖

冰柱崢嶸鬪虎牙玉沙騷屑沒巾車銜盃不怕生肌粟  
填井須防落眼花興盡剡溪思轉棹人依灞水夢還家  
交河凍合東西路醉臥天關守藥叉

書家原潔兄書畫冊子

晴牕浮疊嶂素壁掛方壺時有窺簾鳥銜花入畫圖

題莊雲湘梅花小照

疑逢林處士涼月托孤諷疑遇羅浮仙殘雪耿幽夢箬笠芒鞋攜短筇如野鶴棲山空幾忘身居圖書裡梅花人意相冥濛花開滿春路映水看山樹曲澗綠生漪落花流不去何處不芳隣詩情最獨親素壁流雲相映發爲寄一枝江上春

玉虹硯歌

君不見華陰寒泉百丈井上有飛虹垂渴飲自曳長尾過滄溟猶帶曲池白雲影又不見橫空疋練纏織烏條

忽中斷如逸逋燕丹飲泣荆卿歌剗腸韓市輸狗屠方今三冬瑞雪滿郊甸雲收風濟日煖聞歌宴殘霓欲歸無處所隱入吾家玉溪硯此硯得之自粵東我嘗置之几案呼玉虹滄雲膚寸蟠蛟龍七字銘之辭亦工蘸墨揮毫作健語不作魚蟲爾雅箋章句正恐蛟騰龍起硯無與一旦春霖欲霽化作寒光上天去

春夜宴

畫堂吹笙泣鳴鳳蠟花雜遝行烟重疑華結藻雲翱翔洞庭雨脚拖瀟湘酖顏厭輔顰青蛾一雙瞳人剪綠波侍女繽紛耀綺羅瑤琴寶瑟天上歌輕風小煖弄紈扇粉落紅嫣擎翠鈿送鉤狼籍玉杯忙衣帶不勝憐燕燕

春光拋人疾如箭鳳珮鸞裾夢中見

少年行

少年重游俠欲犯世所難所恃一劍全磨礪登層壇昔者荆卿待客咸陽市此客失名語誰是古人不見長相思今人相思奚足倚奚足倚可奈何扞衣獨走臙脂坡趙女鼓瑟燕姬歌銀河倒瀉金叵羅糞土百萬擲樗蒲家無擔石世所呵

梅花觀

洞門空寂鎖烟霞灰冷丹爐道士家春煖儘鶯銜柳色天寒有鶴守梅花

人日小飲方拱樞雲洲草堂分得發字

和風菜甲生春盤應佳節賓朋集華堂屐齒嵌晴雪滿眼半耆舊引年尙結襪清談一開襟把酒容散髮竹林與蓮社風流未消歇四座盡染翰詩與花爭發日暮興未闌捲簾掛新月誰寫西園圖欲倩米顛跋

贈妓

碧玉髻年始破瓜香風十番浣春紗楊花燕子爭攀入捲上珠簾是妾家

湘簾半捲燕簷窺兩道春愁滿鏡垂傳語官街新樣柳一時齊學畫蛾眉

江上春風坐阿嬌廣陵散奏廣陵濤相逢不是臨邛客一片琴心未許描

鍾陵十載見雲英細馬嬌馱唱渭城曳石悲歌卿莫咲  
還須憐我未成名

悲歌行

不服玉屑引長年居人飲食豺虎邊不剪秋雲補短褐  
居人袒裼泣風雪秋光蕤蕤滿牕牖剪紙招魂臥清晝  
慘日照眼丹楓肥酸風着肌黃菊瘦病軀時隨罔兩過  
俠骨久落專諸後君不見子桑病雨饑欲死袁安卧雪  
僵不起慚愧何由得盛名坎壈纏身徒似此

舟行

九里灘頭十八灣扁舟坐趁暮潮還書雲錦字一行鴈  
抹霧香鬟幾點山

古別離

秋風何離離遊子天一涯我思君子兮瘦日牽紅旗單  
衣臥黃沙君子思我兮閒館空牀維鵲有巢維鳩在桑  
蒼鼠竄賊虵蜿蜒雄者遠適雌者藏離魂兩悄悄弦月  
各獨照桂樹三飄香蟋蟀今已老側目青雲數歸鳥鴛  
鴦飛去秋天杳

秋日贈楊大鳧令

天成骨體不諧俗腹載經書走饘粥長歌短吟軸千卷  
墨珠滴瀝書百斛道路蟠足鞭鐙裂風塵務面顏色黷  
歸來憇息茅屋下瘦石寒花遣幽獨舟者江楓黃者菊  
憔悴斯人滯空谷與君結伴六載餘相看猶是髻俱綠

人生有命未有時，唯我抱甕學端木。是非真偽復何有，書馬尾五不足六。秋江冷菰市，不鬻涕淚橫。落風憐目，鎮日微行遍國中。幾處迎門款，修竹相對太息作何語。牽裾往乞仙人卜。

莊五月采生子，彌月招同在衡臯。聞燮公企瞻，小集。

扶桑日照東海陬，海中仙果香苞稠。漆園莊生得吉兆，云有雛鳳來丹丘。繡褕臨盆笑駢脅，孔釋抱送誰能儔。親朋讌集卜長夜，天官部曲催酒籌。飲可八斗醉二參，催花喝月無停休。座中許郎最綽約，飛瓊飄舉仙裾留。在衡劉生乃與噲等伍，彘肩生啗操戈矛。燮主人更酌清

歌喉綺牕小女含，咿嘔彭篋老孫用。眼聽但覺耳畔風，

颼颼

企瞻重聽而善審音

頽然欹坐是暉老，餘影照壁形偃僂。

臯

唐生拍手大笑劇，客欲逃去強挽摟。深盃百罰不顧惜，侍童僵立凝倦眸。紅燭厭厭靄氣浮，老嫗抱兒紅錦兜。頭玉硤硤迥然異，公侯袞袞莫與侔。咄哉莊生善箕裘，况有乃祖貽孫謀。

送楊二仲嘉之浙江

織塵不染泛春波，兩岼清風起棹歌。別後西湖都付與，樽前南浦奈愁何。幾同蓮社招元亮，獨上蘭亭繼永和。羞澁空囊無可贈，玉溪詩本費磋磨。

以義山詩三卷贈之

送楊大之江右

烟月蘭陵春已半西江棹發行人緩滿堂賓客曲未終  
門前別柳風嘶斷豫章松門石鏡懸照入山陰百丈鳴  
飛泉激灑猶殘杏花雨樓閣還滯秋屏烟糝糊一片浪  
花白夜渡濂溪拾海月灞頭車轍落英滿山腰酒幟揚  
風直君不聞荒鷄嘈嘈午夜鳴千里百里契闊同其情  
迴峯疊嶂夢魂懶使我獨坐春愁生

南朝

自古繁華作帝家六朝宮怨泣琵琶只今歌舞銷沉後  
鐵鎖長江蹴浪花

渡洋子江夜宿瓜步

兩道青山送驛程金焦還憶舊題名廣陵潮走隋堤靜

郭墓風高晉水清灌莽山城蒙敗菊酸辛客况劈新橙  
寒砧半夜敲殘月又促行人犯曉行

西溪

好月留人倚玉簫萬家燈火照金貂歸來不辨西溪路  
依約新荷正抱橋

觀剪綵燈屏贈杭州夏治楨

篋箱尺素輕烟籠天孫纂組移天工燕尾雙環劈魚口  
綵花爛熳傾隋宮隔座熒熒照蘭炬六朝人物金玲瓏  
羅衣長袖從迴風亭亭玉立雙芙蓉浮光吐艷媚花柳  
曲屏夜合巫雲峯瑤臺仙子衣無縫鸞裾十二素女從  
煉石補空五色鎔七襄織錦朝霞烘瞿塘三月飛綠水

舳艫直上春濤衝十八封姨飽颿腹蒲牢哮吼雷豐隆  
老僧役鬼懸正令劍芒閃爍蜚長虹九關伊阻陰霾蒙  
腊鬼作糧簋有饒并州健兒意氣雄跨驢短褐毛瓊瓏  
仰面天山接飛鳥銀瓶索酒澆喉隴西方古佛不合口  
笑殺狡獪諸兒童海上青桑橐中改六橋依舊桃花紅  
雕獠刻鵠安足擬斲輪只數西陵翁錢塘月色千頃碧  
歸來騎鶴腰纏克况兼賦筆摩蒼穹吳山越水何終窮

月夜

蟾蜍挾月流紈素六曲闌干花影度深閨夜良人語闌  
自理雲鬟濕香霧猶憶年年江上月苻帶營愁細如織  
身比楊花不自禁春風故故相欺得青鞵席帽空歸來

共坐寒輝照顏色

紅蓼詞

君采紅蓼花妾唱紅蓼詞秋風獵秋草何處不相思  
雨面泣斜陽似我顏憔悴猶是帶殘紅多因昔酒醉  
落葉葬青草枯根埋碧泥蕭蕭只雨立夜伴寒螿啼  
力掙茅簷下如對秋風語况味同於人相憐不輕取

書寄莊五

空塔舊雨兼新雨迭迭輕寒換殘暑日日長將一片心  
遙遙掛在三珠樹一曲棹歌雲水荒江草江花斷客腸  
願持莊生作明鏡歸來照我顏色蒼

雪夜山中寄衣



疊壁妝瑤臺瀑布飛瓊屑愁雲濕木綿沒馬斷車轍申  
歌黃竹哀重別灞橋絕送客悲其行離婦思所切不知  
腰帶今何如免對黃精哭山雪

別廣陵焦萬士

歸思如風颿別情若駑馬駑馬多踟躕風颿千里瀉焦  
君千載士古道敦風雅邂逅金蘭交夙昔白蓮社西方  
古刹地天香聞般若西方寺萬士讀書處琅琅讀書聲開卷漢鼉  
賈佳會難復得心沸金躍冶來時柳欲青去時楓再赭  
江天限南北終古不可假年年秋鴈飛中情浩難寫

招鶴圖

健翮時高騫暮雲低空磧長天月徘徊落影數千尺南

山距北山山山浩無跡江陵赤壁下蒼烟晚蕭瑟乘風  
早歸來吾家有薛稷請寫青田圖掛君常在壁

送董二叔魚

歲暮歸田廬開春淡無與買舟入城市聞君濟南去濟  
南屬縣平原縣平原昔爲趙州土君心自抽五色絲罷  
却雕龍復繡虎君家下帷春帳寬梅花夜月金井闌坐  
臥糟丘幾日醒縱橫繁露何時乾

分綠軒

蕉陰十丈辟塵埃嫩綠平分興自佳小雨晨光聞點葉  
半天秋色落空階

陽羨訪吳拱旋

煙沉碧樹叢柳暗青山郭客子爲探幽採茶負笠窮裹  
飯適莽蒼綠荷代囊橐書聲來屋底樵歌互響答披榛  
尋舊蹟云是百緡宅石池黑蛟蟠香花紅雨着紙牕宿  
燈火石鼎句聯絡中繡峨眉峰插碧天錯莫

哭吳拱旋

秋江蘆荻鴈空羣劍脫西陵夢裏雲壯士白衣歌薤露  
夫人紅淚泣羅裙

古意

絲絲綠楊岸儂家住翠樓東風收不住掛搭闌干頭姮  
娥在雲端隔簾相對愁兩家結姊妹棗栗通綢繆

題若營一竹齋

一竿青玉自栽培不遣繁陰礙月來應是蒼龍收爪甲  
爲君小築撼風雷

徑寸霜皮千丈具篔簹谷卷記坡公若將畫理通書法  
收取乾坤一竹中

若營善書法

浮筠聊借一枝棲只此長叅玉版時記取石頭山下路  
閒來節節看題詩  
七賢散髮竹林憨一竹牽情也結庵我與此君相對飲  
總邀明月只成三

芭野詩鈔卷一終



百聖前金卷一

三

